

TE HEEHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti.
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 9.

Setepa 1926.

Mat. 20.

*Haamanô outou i te ture a tau tavini ra a Mose, ta'u i
faaue ia'na Horeba ra na Iseraela atoa, e te mau haapaoraa
e te parau faaauhia ra. (Malaki 4:4)*

Te Haapaoraa i te Faaueraa

EAHA ia te tumu i horoahia mai ai te mau faaueraa a te
Fatu, ia haapao tatou ia ratou; e aore râ, ia faarue ia
ratou a rave noa'i i te mau peu iino? Mai te mea e
haapao tatou i te mau faaueraa, e haamaitahia anei ia
tatou? e aita anei? A taiô tatou i te mau pahonora no
teie mau uiraa, e feruri maitai i nia iho i teie nei vahi ia
ore tatou ia roohia e te ati ia tae mai te mau mahana hopea
ra.

Na te Atua i horoa mai i te mau tamarin a Iseraela na
ture e hoê ahuru ia arataihia ratou na te eâ afaro, e ahiri
ratou i haapao ra i taua mau ture ra, na aratai-vitiviti-hia
ia ratou i te fenua i parauhia. Aita râ ratou i haapao i
taua mau faaueraa ra; no reira na vai'ihohia ratou i te me-

depara e maha ahuru matahiti, ia haapii noa ratou i te mau ture a te Atua ra.

Hoé ahuru tatou i te mau tamariki a Iseraela, e na te Atua i tuu mai i mua ia tatou i na eá e piti, oia hoi, te eá afaro e te eá ino, e te vai nei i roto ia tatou te mana ia rave i te eá ra tatou e hinaaro. Te na ô maira te parau a te Atua i papaihia i roto i te Deuteronomi 11:26-28, "Inaha, te tuu nei au i te maitai e te ino i mua ia outou i teie nei mahana; ia faaroo outou i te mau parau a to outou Atua ra o Iehova, ta'u e parau atu ia outou i teie nei mahana, o te maitai ia: e ia ore outou ia faaroo i te mau parau a to outou Atua ra a Iehova, ia ohipa ê râ outou i te eá ta'u e faaitite atu ia outou i teie nei mahana, ia pee atu i te mau atua êê aore i itea e outou ra, o te ino ia."

O vai ia teie mau atua êê? O te mau mea ino ia ta tatou e hinaaro, e te mea ta tatou e hinaaro, o te moni ia e tia'i ia tatou ia inu i te mau mea tei au ore ia tatou, e te tahi râ o Satani ia, e te mau mea iino ta'na i faatia i niaiho i teie nei ao. E mai te mea e, e haere tatou, e rave i te mau mea tei opanihia e te Atua ra, e roohia ia tatou e te ati i te mahana i parauhia.

Te na ô mai nei Petero e, "O te Atua ta matou e faaroo e tia'i eiaha te taata." (Ohipa 5:29) E i roto i te Roma 6:16, ua faaitetia mai e, "Aita outou i ite e, o ta outou i horoa ia outou iho ei tavini ei faaroo atu ia'na, e tavini ia outou no'na no ta outou e faaroo ra; no te ino râ e pohe atu, no te reira ia, no te haapao e noaa'tu te parau-tia ra, no te reira ia?" No reira ua ite papu tatou e, mai te mea e, e haapao tatou i te parau a te Atua, a auraro maitai ai ia'na, e haamaitahia ia tatou; mai te mea e, e faaroo tatou i te parau a Satani, e riro ia tatou ei tavini no'na ra: e mai te mea e, e rave noa tatou i te ohipa na te taata, e faautuahia tatou e te taata. Ua hau roa te mau haamaitairaa a te Atua

i te maitai i te mau mea'toa ta tatou e imi nei, no te mea teie te mau mea i te vairaa te ore e pau i te huhu e te pe, e ore hoi te eiâ e tomo i reira a eiâ ai.

Mai te mea e, e haapao ore te hoé faebau i te mau faaneraa a to'na ra raatira, e hurihia ia oia i roto i te fare taperaa. E na reira-atoa-hia tatou, ia haapao ore tatou i te mau faaneraa a to tatou raatira, o Iesu Mesia, e hurihia ia tatou i roto i te mau vahi riáriá o hade, ia tae te mahana haavaraa.

Te na ô maira Iesu e, "E ore te feia e parau mai ia'u ra e, E te Fatu, e te Fatu. e hope paatoa i te tae i te Basileia ra o te ao, o te taata râ i haapao i te hinaaro o tau Metua i te ao ra." (Mataio 7:21) Te vai nei te hoé haapaoraa tei hoo atu i te faaoreraa i te hara ra no to'na mau melo. Ua nehenehe anei i te mau melo ia tomo i roto i te Basileia o te Atua ra, maori ra, ia rave ratou i te hinaaro o te Atua ra? Eita roa, O te Atua ia tei faaore i ta tatou mau hapa, e ere ia i te taata. No reira ia haapao maitai tatou e tia'i ia haere tatou i roto i te vahi maitai.

Ua haapao ore o Anania e ta'na vahine o Saphira i te mau faaneraa a te Atua, e ua haavare raua ia'na, no reira ua pohe roa raua. A hamanaô â tatou i teie nei vahi, ia riro te reira ei haapiiraa na tatou ia ore tatou ia faarne i te mau faaneraa a te Atua e topa i roto i te mana o Satani.

I teie nei mau mahana hopea nei, i horoahia mai ai te mau faaneraa, mai i te mau faaneraa ta Iesu i horoa mai i to'na ra anotau, oia hoi, te ture no te tufaa ahuru, te haaperaa i te maa, te bapetizoraa, te tuuraa rima, e tabi atu â mau ture e an ia tatou; no reira ia haapao tatou i tana mau ture ra, e haamaitaibia ia tatou; ia ore râ e haapao, e opanihia ia te mau maramarama no te raí, ia ore tatou ia faarii i te mau haamaitairaa tei parauhia na tatou na roto i te haapaoraa i te hinaaro o te Atua ra.

— *Papahia e Elisa Chirisitona*

Te Tufaa Ahuru

[TE HAAMATARAA o ta te Atua ra ohipa, i heheu mai ai oia i te hoé ture tei hau i te maitai i te ture no te Tufaa ahuru. Ua amuihia mai te mau mea rarahi aé i roto i tana ture ra, e na roto hoi i te reira ture, ua oioi aé te mau opuaraa o te Atua i te tupu. Aea râ, no te ineine ore o te mau taata, e no te aroha rahi hoi o te Atua i faaore ai oia i tana ture rahi ra, e na horoa maira i te tabi ture mama aé, oia hoi, te ture no te Tufaa ahuru, ia vai â te faufaa i roto i te fare pueraa o te Ekalesia, e tia'i ia faatia-pinepine-hia te mau hiero, e ia tauturuhia'tu te feia veve, e ia ravehia hoi te mau ohipa'toa a te Ekalesia.

Ua riro teie ture no te Tufaa ahuru ei faaiteraa papu i to te melo tiāraa i roto te Ekalesia. Na roto i teie ture, ua faaite-papu-hia e, o vai te hinaaro i te haapao i te mau ture a te Atua e o vai hoi te ore e hinaaro. Mai te mea, e haapao te taata i te mau ture atoa ma to'na aan atoa, noa'tu e, aita i rahi te ohipa ta'na i rave, e farii-maitai-hia ia oia i mua i te aro o te Atua ra.

Ahiri aita te ture no te Tufaa ahuru, aita ia te ohipa a te Ekalesia i haere i mua. E ratou t'i ore i aufau atu i ta ratou Tufaa ahuru, o ratou hoi ia tei ore i hinaaro ia tupu te Basileia o te Atua i te rahiraa i nia i te fenua nei. E te mau taata tei ore i aufau atu i ta ratou Tufaa ahuru, aita roa ta ratou faufaa i te ohiparaa a te Evanelia, aita roa ratou i tauturu i te faatiraa i te mau hiero, aita roa ratou i tauturu i te feia veve, e eita hoi ratou e farii mai i te iraa o te mau haamaitairaa no ô mai i te Atua ra.

E nahea te mau vahine ivi, e mea tia anei ia aufau atu ratou i ta ratou Tufaa ahuru? E mea tia roa ia. Noa'tu e, aita i rahi ta'na moni i roaa mai, e noa'tu e, ua vevehia oia, e farii-maitai-hia ta'na tauturu iti i mua i te aro o te Atua ra, e papaihia hoi to'na i'oa i roto i te buka a te

Ekalesia, e e riro hoi te reira ei faaiteraa papu, ua aufau oia i ta'na Tufaa ahuru e ua haapao oia i tana ture maitai ra, e ua tia hoi ia'na ia farii i te mau maitai tei parauhia maira, na roto i te haapaoraa'tu i te reira ture.

Ua na ó maira te tahi pae e, aita e nehenhe ia matou ia haapao i te ture no te Tufaa ahuru, no te mea, ua iti roa ta matou faafaa, a ta i ravai no te haapaoraa'tu i tana ture ra, te parau atu nei râ vau e, eita roa teie huru otoheraa e fariiha e te Atua ra. E faahapahia te taata ona, e te taata veve, e te vahine ivi, e te mau taata'toa i roto i teie nei ao, ia ore ratou atoa e aufau i ta ratou Tufaa ahuru. Ua parau atura te vaha o Petero, Ua ite mau atara vau e ore te Atua e haapao i te huru o te taata," (Ohipa 10:34).

Teie nei râ, ua tupu te hoé uiraa, oia hoi, nahea te faafaa o te Tufaa ahuru i pau ai? Ua haamanahia teie moni no te ohipa e ravehia nei i roto i te mau hielô moá. Ua faatiâ-noa-hia hoi te mau fare haapiiraa no te mau tamarii e te mau fare pureraa, e te ohipa'toa tei au no te Feia Moá. Ua tanturuhia hoi te feia veve e te feia mai e tae noa, tu i te mau taata'toa tei roohia e te ati i roto i te Ekalesia a Iesu Mesia i te Feia Moá i te Mau Mahana Hopea Nei.

Ua faainohia to te Ekalesia nei no te mea, te haapao nei matou i teie ture, i horoahia mai e te Atua ra. Eaha ra matou i faahapahia'i? E mea apî mai anei teie ture? E ere roa ia, ua horoahia mai teie ture i te matamua roa. Ua horoa'tura o Aberahama i ta'na Tufaa ahuru ia Melehi-zedeka. (Genese 14:18-20) Ua nehenhe anei ia tatou ia farii mai i teie raveraa ei ture mau na te Atua? E, no te mea, ua parau maira te Atua e, na roto ia Aberahama e haamaitaia hoi i to te ao nei, e ua ite papu tatou e, ua haamaitaia to te ao nei, na roto ia'na, no te mea, ua riro oia ei upoo no te Utuafare o Iseraela i uia i te fenua nei, e na roto mai i to'na huani, i fanau ai te Mesia. E ahiri, aita oia i hinaaro

ia haapao tatou i teie ture, aita ia oia i horoa mai i te reira ia Aberahama.

E ratou tei faaino mai ia tatou, o ratou hoi ia tei hopoi i te afata moni i roto i to ratou mau pureraa, e ia roaa mai te moni, nahea te reira i pau ai, maori râ, ua horoahia'tu i to ratou mau orometua, no to ratou aóraa'tu i te evanelia. Ua na reira mai anei Iesu, a na ô mai ai oia e, Te vahi mau nei te aubune sitona, te iti nei râ te feia e ooti, e teie nei, e pure outou i te Fatu o te obipa ia tonoa oia i te rave obipa e ooti. A haere, inaha te tono nei au ia outou mai te arenio i rotopu i te mau lukora. Eiaha ei farii moni e hopoihia, eiaha ei pute, eiaha ei tamaa hopoi noa, eiaha roa e aroha'tu i te taata i te Aratia." (Luka 10-2-5) A hió maite tatou i teie na raveraa e piti nei, e i muri iho, haapii maite i te mau haapiiraa a Iesu, e ite papu ia tatou, ua hau e atu teie ture no te Tufaa ahuru i te maitai.

Mai te mea e haapao to te ao nei i teie ture, e haamaitaihia ia ratou e hope roa'e. Ua horoa mai te Atua i te mau mea'toa ia tatou nei, e na roto i to'na aroha rahi, te vai oaoa nei â tatou. Ua titau maira te Fatu ia faaho'i atu ia'na i te ahururaa o ta tatou faufaa. E ere teie te titauraa puai, area râ, ua iti te taata tei haapao i te reira. Mai te mea râ e haapao tatou, e manu'ia te obipa a to tatou rima, e e haamaitaihia ia te fenua nei ia faatupuhia mai te mau sitona'toa e te mau huru hotu atoa ei maitai no te taata nei. Ua na ô maira te hoé parau e, "E tae atura taua parau ra, ua rave maira te tamarii a Iseraela i te oho matamua o te sitona e mea rahi, e te uaina, e te hinu olive, e te meli, e tei tupu atoa i pia i te fenua ra; e ua hopoi atoa mai ratou i te ahuru puaatoro; e te mamoe, e te ahuru i te mau mea moá i haamoáhia ra na to ratou Atua na Iehova, ua haapuea-noa-hia ia. Tei te toru o te marama te haaputuraraa-hia taua mau puea ra, e tae aéra i te hitu o te mara-

ma i
aéra i
Iserae
e te m
rahi n
Mai te
fare o
haama
tioá ra
E
atu i te
ua na
outou
haapao
ua'u e
ra. Te
E haru
tou i ta
i te aha
mau-hia
fenua ta
te mau
e tamat
ta ra; i
o te raí
tou. (M
No
tou e' u
i teie tu
ore râ ta
ia tatou.
mai i m
reira, i

ma i pue ai. E tae maira Hezekia, e te feia rarahi e ite aéra i taua mau puea ra, ua haamaitai atura ia Iehova e ia Iseraela i to'na taata. Ua ui aéra Hezekia i te feia tahuá e te mau ati Levi i taua mau puea ra; e na Azaria tahuá rahi no te utuafare o Zadoka i parau atu ia'na, na ô atura, Mai te hopoiraa mai a te mau taata i ta ratou taoá i roto i te fare o Iehova, e maa rahi ta matou, e e rahi hoi te toe; ua haamaitai mai hoi Iehova i to'na taata; e te toea o taua taoá ra oia teie nei mea rahi." (II Paraleipomeno 31:5-11)

E mauruurn anei te Atua ia tatou ia ore tatou e aufau atu i te Tufaa ahuru. Eita roa oia e mauruuru, no te mea ua na ô maira te paran papai e, "Mai te anotau mai â o to outou mau metua ra to outou farin-ê-raa i ta'u ra mau haapaoraa, e aore i haapao atu. E fariu mai outou ia'u, e ua'u e fariu atu ia outou, te parau maira Iehova sabaotara. Te parau mai nei râ outou, E fariu atu matou i te aha? E haru anei te taata nei i ta te Atua? Ua haru maira outou i ta'u ra. Te parau nei râ outou, I haru matou i ta'oe i te aha? I te ahuru o te taoá ra e te mau ô. Ua roohia mau-hia outou e te ino, ña haru mai hoi outou i ta'u, o te fenua taatoa nei â, Hopoi mai na ontou i te ahuru atoa o te mau taoá i roto i te fare vairaa, ia maahia tau fare nei, e tamataraa te reira ia'u nei, te parau maira Iehova sabao-ta ra; i te oreraa vau i te iritiraa i te mau haamaramarama o te raí ra, a ninii ati ai i te taoá rahi roa ei maitai no outou. (Malaki 3:7-10)

No reira, na roto i teie mau paran i nia nei, ua ite tatou e' ua mauruurn roa te Atua ia tatou a haapao ai tatou i teie ture rahi nei, e e haamaitai noa mai oia ia tatou. Ia ore râ tatou e haapao i te reira, aita roa ña oia e mauruurn ia tatou. Tei ia tatou te feruri i te mau parau atoa tei tae mai i mua ia tatou i tera taima e i tera taima, e na roto i te reira, i faaitchia'i to te Atua hinaaro ia tatou. E mai te

mea e, e parau mai te Atua ia tatou, au fau atu i te Tufaa ahuru, eita anei ia tatou e haapao. Tei ia tatou iho te fenui i nia iho i te reira vahi.

No reira, e hoa ino ma e, eiaha tatou e ore i te haapao i te mau faaueraa e te mau ture a te Atua ra, no te mea, aita'tu e ravea ia roaa mai te ora mure ore, maori râ na roto i te haapaoraa i te mau ture tei faaite-papu-hia mai i roto i te mau papairaa moá.

I te matahiti 1838, ua honoahia mai ai te ture no te Tufaa ahuru ia Iosepha Semita. E no reira, ua riro ia eia ture mau na te Ekalesia, e na roto hoi i teie ture i haamai-taihia'i to te Ekalesia i tera matahiti e i tera matahiti. E tera hoi ia te tumu i vai â te hau e te maitai i roto i te Ekalesia a Iesu Mesia i te Feia Moá i te Mau Mahana Hopoa Nei. Eaha te tumu i ore ai teie ture i rotopu i te mau haapaoraa, maori râ, no to te taata nounou-raa Taoá. Imin maite tatou i te parau moá tei papaihia e te rima o te mau aposetolo e te mau peropheta, e na roto i te reira enoaa'i ia tatou te ite, e na te ite maori e noaa'i te faaroo. E ua titau-noa-hia to faaroo e tatou atoa nei, e ia ore taua faaroo ra, i reira to tatou taivaraa. Amene

--Ioane Orotona

Te Taparahi-raa-hia o Iosepha Raua Haeramu

E AHA ia te haapiiraa mau ta tatou e roaa mai na roto mai i te taparahi-raa-hia o Iosepha raua Hairamu, maori râ, te parau ta Paulo i faaite maira, oia hoi, "E fafau ra. ia pohe mau â te mea e papu ai ra e tia'i." Hebera. 9:11)

Ua faatia te Fatu i te taparahi-raa-hia o taua na taata parau tia e toopiti atoa ra, ia niro te reira ei faaiteraa i te

hiá ore o to te ao nei.

A hió faahou tatou, i to rana oraraa, e hohoá mau ia no te aroha rahi, mai ta te Mesia i haapii maira e, "La horoa te taata i to'na iho ora no to'na ra mau taua, aita roa e taata aroha ê atu i tei reira." (Ioane 15:13)

Ua horoa'tura rana i teie aroha rahi i te Feia Moá, e i to te ao atoa nei hoi, no te mea, ua ani mai te tahi mau faahua hoa no rana ra, ia hoí mai i Navu, mai te parau e, e taata mataú oia, e te horo ê atura oia i te ati. E no reira, aita i tiá ia Iosepha rana Haeramu ia faaoromai i te reira huru pariraa, e no reira, hoí atura rana i Navu, E a hoi atu ai ratou i reira, ua parau atura Iosepha e, "Te hoí atu nei tatou ia tupaihia." Ua pahono maira Haeramu e, "Ia ora tatou e aore râ ia pohe, e faaoromai ia tatou i to tatou huru."

Ua parau maira Satani i te Fatu, "e riro hoi ta te taata'toa ra ei hoo i to'na ora." (Ioba 2:4) Area te tavini mau râ, e faariro oia i teie parau a Satani ei haavare. Ua hoí Iosepha ma i te oire ra i Karatage no te taima hopeá, e mai teie hoi to rana feruriraa, "e mea faufaa ore to rana ora i to rana mau hoa, e mea faufaa ore hoi ia ia rana iho."

E no reira e homa e, na roto i te taparahi-raa-hia o taua Peropheta ra o Iosepha e te Patereaveha ra o Haeramu, te manaó nei au e, e tapao mau ia e, e tau tavini mau rana no te Atua.

A taió mai tatou i teie nei mau parau nui, e hiópoa maite hoi i te vahi atoa e tapeá maite i te mau haapiiraa o tei au i te parau i papaihia ra. La na reira tatou i te hiópoa i te mau parau atoa e tia'i; e ia itehia te parau mau o ta outou ia e haapao. E mai te mea e, e na reira tatou, e noa ia te hoé parahinaa hanahana ia tatou i roto i te fare o te Atua ra.

—Papaihia e Iosepha M. Peterotona

Te Mau Parau Apî

Ua pohe te arii vahine no te fenua Heleni, o Olaga (olga) to'na i'oa, e hitu ahuru ma ono matahiti to'na.

Ua haruhia na taata e toopiti, e ua afai-ê-hia'tu raua i te fenua Mexico. I teie mau mahana i mairi aénei ra, i tuuhia'i taua na taata e toopiti ra.

Ua patuhia te hoé tii i te fenua Niu Yoka (New York) i Amerika ei haamanaóraa i te taata ra o Ioane Erisisona (John Ericsson). Tera ia te tumu i patuhia'i taua tii ra, no te mea, oia te taata matamua tei hamani i te pahi auri.

Ua tupu aénei te hoé marôraa i rotopu i te Hau Baratane e te Hau Rusia. Mai teie te huru, ua tauturu atu te Hau Rusia i te feia rave ohipa no te Hau Baratane a vai ai te peapea i taua fenua ra. Ua haapono te Hau Rusia i te tahi moni rii tautururaa na te feia rave ohipa i Baratane. E na roto hoi i te reira i haamaorohia'i te faaearea ohipa i te fenua Baratane. Ua ofatihia hoi te hoé parau faahau i rotopu i taua na hau e piti ra.

Ua pupuhihia e 25 taata i te fenua Aiphiti. Tera ia te tumu i na reirahia'i no te mea, ua haamata mai te hoé pupu pû i reira i te faatai mai i te tahi mau pehe navenave roa. Ua manaó ihora te mau faatere no taua vahi ra e, e ere roa teie huru raveraa te mea aui te mau ture no ta ratou bibilia i parauhia (Koran). No reira, pupuhi atura ratou i te mau taata i roto i taua pupu pû ra, pohe ihora teie na taata e 25 atoa ra.

Ua tupu te hoé aneueraa fenua i te mau fenua motu i fatata mai i te fenua Italia. Aita râ te fenua i haamouhia.

Ua iteahia te tupuraa o te hoé orure hau i te fenua Paniaora. Ua hurihia e 200 taata i roto i te fare auri i taua fenua ra, e teie mau taata, e mau taata rarahi anaé ratou i te ohiparaa no te hau. Te imi ra ratou i te raveá e ore ai to te taata ra o Rivera toroá i roto i te faatereraa no te hau. Ua parau maira teie taata Rivera e, noa'tu e, ua ore teie orure hau, e tupu noa â te peapea i taua fenua ra.

Ua ite paha to Tahiti i te hoé taata Farani, tei tae mai i Tahiti nei, i te tahi tau avaé i mairi aénei, O Alian Gerbault te i'oa no taua taata ra, Ua parau-noa-hia hoi to'na i'oa i te fenua Farani, ma te tura rahi, i te mea e, uafaarue ê atura oia i te reira fenua i roto i te hoé boti nainai roa, mai te Mitiaro i te rahi, tere maira oia i te fenua Amerika, e mai reira, tere noa maira i Tahiti nei. I ô nei tatou i farerei ai ia'na. Ua parauhia teie taata ei numera hoé i te tairiraa popo, mai tei hantihia e te mau tamarii Tahiti. E mea maoro rii to'na faaearaa i rotopu ia taton nei, a reva atu ai oia. Teie nei râ, ua tae mai te parau apî e, ua tae atu teie taata i te mau Motu India (Dutch India) e ua tapae atura i te oire i parauhia Poora. Ua fatata atu teie mau motu i te fenua Tinito.

A tere ai teie taata i nia i te moana, ua amu noa oia i te maa punu e te iá ta'na i roa, e ia tae i te po, na taoto noa oia mai te hau e peapea ore, a tere noa'i to'na botii nainai i nia i te moana. Area râ, e mea rahi ta'na mau buka maitatai i roto i taua boti nainai ra, o tei taió-noa-hia e ana, ia ore ia oia ia flu i to'ua haerea.

I roto i teie tamaí rahi áenei, ua pohe e 119,568 taata Amerika. O ratou ia tei taparahihia e tei pohe hoi i te mau huru maí êê.

Ua tupu te hoé ati rahi roa i te fenua Purutia i roto i teie mau mahana i mairi áenei. Ua au hoi te huru o teie ati i te ati i tupu i Papara i te matamua no te matahiti 1926 nei. Ua tahe uána maira te pape i nia iho i te mau fare e te mau faaapu no taua vahi ra, e pohe ihora na taata e hoé ahuru ma pae (15). E ua manaóhia e, e toru ahuru milioni dala, te faufaa i pau i roto i taua ati rahi ra.

I te fenua Amerika i te mau mahana i mairi áenei, i patiahia'i te hoé taata i te hoé patia rahi roa. Te tahe noa ra to'na toto, e ua fatata oia i te pohe. Na roto râ i te ohipa paari ta ta'na tamaiti i rave i ora'i oia, no te mea, ua taamu teie tamaiti i te vahi putu, mai tei au i te mau mea ta'na i haapili a vai ai oia i roto i te hoé pupu tamarii i faatiahia no te maitai o te mau tamarii apî.

Ua pupuhihia na taata e toopiti, a eia ai raua i te mau ohipa no te hoé Saiete rahi i te fenua Amerika. Ua haru raua e 14,000 dala moni Amerika. Ua ite te mau mutoi i te opuaraa ino i roto i te feruriraa o teie na taata, no reira ua tapuni ratou i pihai iho i te fare i eiahia'i e raua ra, e ia ratou i haere mai i rapae au i taua fare ra, pupuhi atura teie mau mutoi ia raua, pohe ihora te hoé, e te vai mauiniui noa ra te tahi.

Aima G. Burton Imprimeur,

Rue Brea et de la rue Dumont d'Urville, Orovini, Papeete